

Mazarin
3457

La Reprise de la ville de Coussy...

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3457

UNIVERSITY OF N.C. AT CHAPEL HILL



00023009664

LA

REPRISE

DE LA VILLE DE

Couffy par l'armée du Duc de Lorraine, & le secours jetté dans le Chasteau par les mesmes troupes. Avec la defaite du Regiment de Piemon, & la prise de six pieces de canon sur les troupes commandées par Marechal d'Estrées.



A PARIS,

Chez JACQUES LE GENTIL, rue d'Escoffe, à
l'enseigne S. Ierôme, près Saint Hilaire.

M. DC. LII.

REPRISE

DE LA VILLE DE

Couffy par l'armée du Duc de Lorraine, &
le secours jette dans le Châteaun par les
mêmes troupes. Avec la défaire du Regi-
ment de Picmond, & la prise de six pièces
de canon sur les troupes commandées par
Marchal d'Effres.



A PARIS

Chez JACQUES LE GENTIL, rue de la Harpe,
à l'enseigne St. Jérôme, vis-à-vis Saint-Hilaire.

M. DC. LII

LA REPRISE DE LA VILLE

*de Couffy par l'armée du Duc de Lorraine,
& le secours jetté dans le Chasteau par les
mesmes troupes. Avec la defaite du Regi-
ment de Piemont, & la prise de six pieces
de canon sur les troupes commandées par le
Mareschal d'Estrées.*

LEs frequentes negociations du Duc
d'Anville vers Monsieur le Duc d'Or-
leans, n'ayant pas produit l'effet que
s'en estoit promis le Cardinal Mazarin, qui
esperoit faire condescendre son Altesse
Royale à vn accommodement, aussi peu
glorieux pour elle, que funeste à la ville de
Paris & au reste de la France, & ce Ministre
cauteleux connoissant par la responce de ce
mesme Duc, que sadite Altesse Royale ne
vouloit entendre à aucun pourparler de
paix, qu'auparavant son esloignement des
Conseils du Roy & du Royaume ne fut
conclu & executé, il fit resoudre leurs Ma-
jestez de quitter Saint Germain en Laye &

prendre la route de Bourgogne, afin d'eui-
ter par ce moyen le hazard dont il se voyoit
menacé par cette braue resolution de Mon-
sieur le Duc d'Orleans & Messieurs les Prin-
ces, pour le renfort desquels il sçauoit qu'ap-
prochoient à grandes journées les troupes
de Monsieur le Duc de Lorraine, qu'il auoit
en vain tâché d'attirer à son party par tou-
tes sortes de promesses, que ce Duc a tou-
jours refusées, comme estant fondées sur la
foy d'un homme qui a introduit la coustu-
me de la violer.

Pour cet effet il fit donner ordre au Ma-
reschal de Turenne, dont l'armée a tou-
jours son quartier principal à Palaiseau,
aussi bien que celle de Messieurs les Princes à
Estampes, de détacher de sesdites troupes
six cens cheuaux des plus lestes & plus reso-
lus, pour, disoit-il, seruir d'escorte à leurs
Majestez, & tenir en mesme temps le reste
de l'armée en estat de s'opposer au passage de
celle de Messieurs les Princes, en cas qu'elle
voulut auancer pour s'opposer à son des-
sein, & se s'espandre à cet effet le long de la
plaine de Long-boyau jusqu'à Corbeil.

Cet ordre donné audit Marechal de Tu-
renne,

renne, la Cour partit de Saint Germain le 22. de ce mois sur les neuf heures du matin, & estant arriuée à vne lieüe de Iuvisy, sur les vne à deux heures apres midy, le bruit s'estant répandu que l'armée d'Estampes approchoit, & que mesmes plusieurs troupes estoient sorties de Paris, il fut mis en deliberation si l'on deuoit auancer vers Corbeil, ou retourner à Saint Germain.

Ce dernier auis ayant esté trouué le plus seur & le meilleur fut suiuy, mais sur le point de l'execution, le Cardinal Mazarin ayant esté auerty que la nouuelle, tant de l'approche de l'armée que de la sortie des Parisiens estoit fausse, il suiuit le premier dessein, & le mesme iour ladite Cour arriua à Corbeil, d'où les Fouriers furent enuoyez pour disposer & faire joindre quelques logis attenant le Chasteau, pour le logement de leurs Majestez & du Cardinal Mazarin, & ordre fut donné aux Maire & Escheuins de ladite Ville de faire venir en icelle tous les Marechaux & Forgerons des environs pour fabriquer du Canon, à dessein, comme on croit, de s'en seruir pour le siege d'Estampes.

La Cour deuoit partir hier 26. de ce mois

pour ladite Ville de Melun, mais on a différé iufqu'à ce iour, à cause du Conseil tenu fur le fujet de l'approche des troupes Lorraines, par lesquelles la Ville & Chateau de Coufly a esté fecouruë en cette forte.

L'affection du Sieur Hebert au feruice du Roy & de Monsieur le Prince de Condé, à la recommandation du Pere duquel, le Gouuernement de cette Place luy fut donné par le feu Roy pour recompense des feruices qu'il auoit rendus aux armées de fa Majesté, eftant fufpect au Cardinal Mazarin, fit que celuy-cy enuoya ordre dés le 4. de ce mois au Marefchal d'Eftée Gouuerneur de Laon, de fommer ledit Sieur Hebert de luy remettre la place entre les mains, à laquelle sommation ledit Hebert ayant répondu qu'il la tenoit immédiatement du Roy pour recompense de fes feruices, que l'ayant touïours gardée fidelement, il ne croyoit pas que fa Majesté l'en voulut depouiller, & qu'à moins qu'il ne vit ordres plus expreffes, il estoit refolu de se la maintenir, protestant touïours qu'il ne s'y passeroit aucune chose contre l'obeïssance deuë à sa Majesté.

Le Marefchal d'Eftée jugeant bien qu'il

ne pourroit tirer ce Gouverneur de sa Place que par la force, fit assembler quelques troupes pour l'inuestir, mais sur cette entrefaite, le pourparler de paix qui se fit lors du passage de la Cour de Corbeil à Saint Germain en Laye, ledit Marechal fut commandé de laisser ladite entreprise, ce qu'il fit: mais cette Paix n'ayant esté qu'un amusement, & les choses estant aigries, le siege fut mis deuant la place le 10. de ce mois, sous la conduite dudit Marechal d'Estrée & du Sieur de Manicamp Gouverneur de la Fere, qui ayant fait venir six pieces de canon de ladite ville de la Fere & de celle de Peronne, dresserent la batterie contre la basse ville de Couffy, aux murailles de laquelle ayant fait bresche raisonnable, les assiegeans furent cinq iours entiers sans y oser entrer, attendu la resolution de ceux de dedans, qui enfin s'estans retirez dans le Chasteau avec tout ce qu'ils auoient de meilleur, laisser libre l'entrée de la Ville ausdits assiegeans; mais comme ceux-cy vsans de l'auantage que leur donnoit cette entrée pour dresser leur canon contre le Chasteau qui s'en trouuoit incommodé, aussi bien que de la

nécessité de viures & munitions, furent secourus
 par l'auantgarde des troupes Lorraines, qui s'estant
 auancées le 22. de ce mois au nombre de huiet cens
 Cheuaux, & douze cens Fantassins, à vn quart de
 lieuë des assiegeans. La Caualerie commença l'ata-
 que par le quartier où commandoit le sieur de
 Manicamp, où ayât essuyé la descharge de la mous-
 queterie du Regiment de Piemont, desit entiere-
 ment ledit Regiment, & vne bonne partie de celuy
 qui auoit esté composé tant des garnisons voisines
 que des nouvelles leuées faites pour ce siege. Ce qui
 ayant épouuanté le reste, ils lascherent honteuse-
 ment le pied, pour se sauuer en desordre dans la fo-
 rest prochaine. Et ainsi ils abandonnerent aux Lor-
 rains la ville qu'ils venoient de conquerir, & don-
 nerent aux assiegez le moyen de receuoir vn ren-
 fort de Soldats & de viures assez considerable pour
 resister desormais aux attaques des Mazarins de
 cette Prouince. Il y a eu quatre Capitaines de tuez
 en ce combat, deux de prisonniers, & plusieurs Of-
 ficiers blesez. Le nombre desquels & des Soldats,
 se monte à trois cens ou enuiron du party des assie-
 geans, & dix-huiet ou vingt de celuy des troupes
 auxiliaires, outre le bagage, & quatre pieces de ca-
 non, qui sont aussi demeurées en la possession du
 sieur Hebert, pour s'en preualoir contre ceux qui
 desormais viendront pour le chasser d'une place
 qu'il a toujours sagement gouuernée, & qu'il pro-
 teste de maintenir pour le seruice du Roy.

